

唐
文
續
拾

唐文續拾卷十四

榮祿大夫二品頂戴前分巡廣東高廉道加四級

臣陸心源輯

闕名

大唐司空開府儀同三司楊州荊州二大都督

并州大摠管上柱國襄邑恭王之碑銘

竊維麗天凝景藩衛紀其躔次括地分區侯王胙其疆域巨唐經綸帝業光啟靈圖茂功□□弘以□□

之

缺九字□其有績宣

缺四字

龍旂兼望重於親賢樹

英猷於家國者其在襄邑王乎王諱神符字神符隴西成紀人也景皇帝之孫鄭孝王之子太宗文皇帝

之從父今上之從祖也昔繞樞流慶肇基□□貫月
□神嗣興寶籙齊聖廣深之德旣肸嚮於虞庭可道
非常之教亦葳蕤於周史景皇帝功高定霸珪瓚攸
歸鄭孝王業盛經邦舟驥斯在若殷契之佐夏景亳
終啟其祥喻姬昌之佐鄴鎬京乃隆其祚浮天引派
浚委咸池之源拂日疏柯遙披若華之景王累聖鍾
美積德垂裕辰象陶其粹氣山岳感其英靈抱義含
仁轢神宮而峻趾騰文擊武跨仙澗以鳴律雄姿映
徹逸韻韶舉曲臺宣榭禮樂以成其德□宇緇林詩
書以弘其道尋其軌躅矯如北唐之駕窺其奧秘煥

若東山之府屬江都不守中京圯厯毀櫝挺灾噬驂
昭釁火焚彝器驚巨燎於炎崑水覆生舟揚洪波於
沸海戰爭方始亂離云瘳金刀興而素靈哭玉鏡隱
而黃神吟王剗跡韜光待時藏器智周朝野之際神恬
宇宙之間戢此□鱗潛孟諸而未躍理□大翼臨扶
搖而將舉我高祖大武皇帝撫歸運握禎圖橫姬鉞
攫軒孤正傾維於地紐締落構於乾樞掩參郊而大
誓望井域以長駟及四門□穆太尉翊□□之命萬
邦作乂司空膺□象之尊爰以茂親用昭緝禮義寧
元年封安吉郡公食邑二千戶仍拜太府少卿俄而

天地革運品物咸亨則大居宸履端垂統黃初受命
載隆禦侮之規太始開元式降分封之冊武德元年
封襄邑郡王邑三千戶餘如故轉雍州司馬展其驥
足仰叶題輿屈此鴻材俯膺持板德刑具舉寬猛兼
濟朞月成化輦轂肅清于時文軌未同國步斯阻西
羌煽禍猶拒彝城之仗北狄稱兵時引蕭關之寇天
子聞輦軫慮推轂伋能將申橫野之功必在光朝之
選乃以王爲平道軍將出鎮岐州其年除稷州諸軍
事稷州刺史儀軒戒塗閩景山之靈雨建旗臨境翊
夢渚之雄風照以秋陽流之各愛坐棠所以垂詠伐

枳於是興謠四年除并汾喜遼大榆七州諸軍事并
州總管以善政入爲太府卿加右光祿大夫檢校兵
部尙書大哉元氣制之者鼎臣赫矣天臺參之者國
器六材膺務八座分司蜀劔駭其光芒鄭履騰其
聲實固已道高損益効彰出納者焉九年除使持節
大都督揚潤常和楚方滁七州壽蘇越括歙宣舒循
巢九州都督諸軍事揚州刺史連率居綜兵之禮獨
坐受班條之任俗變偷生人無輕死義陽之牧涼部
威化臨邊太原之口許都忠謀口帝貞觀元年入爲
將作大匠兼散口常侍東園徙口藻稅擬華南郊陪

乘紹璫絢美神居博敞無慙百郡之吏武庫縱橫自
表一時之傑尋轉宗正卿餘官如故旣而留神□表
採至頤於鳴謙屬想帝先遵炯誠於知止赤松可仰
紫艾非榮巖廊逾峻屢竭叫閤之請綸璽載嚴未允
挂冠之志王事非飾讓備陳誠懇有感皇懷方優散
秩加光祿大夫歲時朝請防閤祿賜並同京官望極
尊榮居惟爽麗門施桂板地兼山水雲華春苑登紫
臺而肆日月淨秋軒避綺筵而命聿玳簪恆滿玉樹
生光陶陶然不覺萬物之爲細也聖上以至□馭寓大
明踐極丕承景厯率由舊章載仁宗臣首命儀台之

秩迺睠尊屬獨荷升輿之恩貞觀廿三年又下詔授
開府儀同三司車同畫鹿服授文鱗居此達尊俾其
終吉庶雍宮執爵膺乞言之大禮羸里鳴鑾奉升中
之壯觀登天肇夢夾日成災遽切蒿亭之歌空祝麥
正之壽以永徽二年五月薨於私第時年七十三惟
王德包上善道邁中庸揭日月之鴻暉疏風雲之逸
氣澹乎川鏡嶷然山峙管籥內嚴菁華外發抑揚賢
哲义蹈功名之軌枕席丘墳不求章句之業孝敬莫
極地義爲重友悌兼資天倫斯穆蘊奇略懷遠圖詞
軌藏牙藝優摧豁分磨受律一劒非其務醺酒投醪

三軍被其德出莅藩岳美政治於萌謳入司元凱雅
舉光於朝列觀有卮而取則深懼滿盈聽鳴弦而告
老言追閑躅位鄰中口敬賢之口不渝景側下口樂
善之心彌固不夷不惠非夷非隱含元自守居榮待
終所謂皇室之羽儀鼎門之標榜者矣而電驚虛牖
瞻駟影而不留星口德門託龍光而遂遠悲夫以永
徽二年歲次辛亥十月庚寅朔八日丁酉詔陪葬于
獻陵贈司空使持節都督荆陝岳朗四州諸軍事并
賜東園秘器儀仗送至墓所先是主上舉哀于別次
禮也子少府監柱國臨川縣公德懋鳳州刺史廣川

縣公義範懷州刺史上柱國文暕等並擢秀藩枝自
分華于棣屏呈材邦幹方演慶于槐庭而窮慕艱情
隨霜露而彌積庶先獻懿範將日月以曾懸故旌美
玄廬圖芳翠琬俾夫峯頽峴曲寄沉石以流芳室毀
滕城仁金生而表絢詞曰

巖巖崇構緜緜茂緒祥叶壽丘祉光華渚地德攸薦
慶靈斯仁天秩逾繁人英克舉其肇口磐石大啟維

城藩枝表式口萼標榮地隆茂蔭蔭道茂口平惟良緝

譽樂善馳聲

其二

馭俗垂範威邊作鎮惠政霜明德音

雷震玉府崇博紫機嚴峻列岳弘風括河疏濶

其無

私逾洽聖澤彌深緬惟賢口遐覽口箴辭榮褫玉誠

滿捐金貞風有勵雅俗攸欽

其四

鳳邸臨年獲巖警曙

軒蓋盈列歌鍾在御寒菊浮香春荑柳絮四美攸極

百齡多豫

其五

川驚箭水景迫輪曦玉摧梁竹珪落唐

椅應滋帶草流涸書思寂寥陳跡髣髴崇規

其六

地迤

文園瑩通神闕梓庭杳靄松阡蕪沒寒木啼風荒墳

思月琬字無昧金聲靡歇

其七

大唐故左騎衛大將軍幽州都督上柱國琅瑯

郡開國公牛公碑銘

并序

若夫仰觀成象三辰開上將之星俯察成形九地摠

中權之術故迺聞鼓聲而亡想缺社告徵編星兆眊

受天明命光宅域中制軒弧而駕羣材乘夏載而朝

萬國其有克缺乎瑯琊公焉公諱秀字進達其先隴

西狄道人也因官而遷于濮龍首驚雷之澤龜文負

卦之濱缺之舊龍光昭於細篆鴻伐旌於表綴因以

籠冕奕代軌暎後昆者矣曾祖定後魏韓州缺顯銜

珠之瑞□□齊潤仁敷導栢之流父漢隨僕州主簿

沼州清漳縣令蜀客談星缺之禮童戲叶軍旅之容

開八陣之圖非究覽於魚復體三畧之奧焉取鏡於

龍韜天缺迎拒箕亡咸池缺一三□之華湯谷□七

字

枝之景縱崐墟之烈火決渤海之衝流三戶缺體命

曹隨之境□□橘柚之鄉咸造和門策名麾下白馬

之號徒缺癸缺廿王室缺三之缺而盛以下缺

大唐絳州聞喜縣令蘇府君德政碑并序

觀夫天下不可以獨理其惟列邑乎君上□存□共

缺五乎然則□公□聖□應中都□□□叟□賢第

宅□壇之地禮節行而風雨順德被人□緹缺流功

懸日月道存之矣仁遠乎哉粵我蘇府君名昱字□

□魏都亭侯河東相待中則之十一代孫扶□武功

人也因封命氏昆吾之稍緒克昌賜邑疇庸司缺遠

繫書持節漢國仰其忠臣佩印乘軒洛陽推其說客
蘇冀州之口槩不受二天蘇將軍之盛名自高三輔
襲銅鈐而播祉代有其才蘊金冊而凝禎時無其

缺

上大將軍光祿大夫太子少保御史大夫國子祭酒
大理卿京兆尹吏部口部刑部三尚書尚書右僕射

開府儀同三司襲邳公又封寧陵侯房公皇朝贈

缺

軍事陝州刺史出入兩宮光昭百揆封侯命將烏落
印而獸銜珠折獄提衡口不口而口口口祖口隨晉

王文學太子洗馬鴻臚卿著樂志一部書重懸金文

高

缺宮而一息光燭玳筵臨棘署而曾流望華口口

父儼隨尙輦直長皇朝晉州司功秩滿高尚不仕德
爲口範言成士則仲雄藏器初從主口之班元亮遺
名意缺節君以奇光照社異氣元庭龍翰鳳翼成其
文璞玉渾金比其德王公孫之綺歲致黨時口劉儁
口之儁辰獲稱邦彥口口有對日下無雙叔皮亡漸
於上京伯缺太學萬言成諷百遍忘疲杜子夏之專
精口口春之藉甚弱冠明經高第尋授右屯衛倉曹
參軍業謝青襟名昇紫衛有司之恡克著於當官終
宴之遊載推於缺擢授沛王府騎曹參軍尋丁父艱
去職泣口三年墳高一夕坊魚躍鱗而入祭擱雉接

翼而來捫服關留君□府倉曹擇時賢也從容碣□

荏苒□庭眷彼飛文

缺

右詳惟立政行馳狗產之前

秩滿遷絳州聞喜縣令新城奧壤左邑遺塵澮涑浩

□而疎川景霍差莪而連鎮夏墟傍□千樹成陰吳

坂遙通七山相對蒼蒼葦

缺

於歲時晶晶蒲陂澄日

月於朝夕□鼎衣冠之盛卿有八裴士風名物之□

地推三晉□其身世奔德恆仁義足以禁非禮教足

以敦善下單車而府庭無事

缺

界肅然猛獸惡禽咸

避不

缺五字

孝□□□和寧之風□在愛人善□從政

武康刑□未勞旬月之閒餘杭化行詎待暮年之後

浪其澤者樂道而忘歸聞缺言而自勸問疾苦恤惻

□□□農□不□□□寒□□而萬寶□天地交□

百祥降爰有丘中之麥迴出兩歧缺四字一□□□城

之五穗纖芒濯露秀色翻缺以樓稼作歌仲康以嘉

字缺四之□□□京□□蓄家室以績婦承□棄姬□

□化春歸歧路候蠶□而□釣秋缺六字而弄柱衣食

足知榮辱其斯缺猶御之以公方撫之以□□崇學

校缺七字寬之布□察以臨之惟誠心以待之夫然故

盜賊空冤訟息經其邑樹木茂過其境溝洫深都鄙

有章缺無二價道無拾遺官曹□詔□□□椽史□

□□暇豫良辰美景自公退食俯中庭而披外閣□

磬學而敝琴堂接定陵之高士引臨邛之貴客談清

靜之

缺

時菓逮於耆德官俸給於□□可□奇

缺九字

吏吾劾

缺入字

鄉人祇聞□化若斯而已哉縣丞汝南

周大鼎主簿狄道董履貞縣

缺

恂行扶風馬嘉賓等

並□□□貞道

缺一字

栖中夜不扃遽觀尉羅虛設一

□聯事載奉恩憐人無閒言我有餘地斯不亦休乎

惟君德

缺

膺久大道綜多能藝優□美風□□奕其

□天

缺七字

自出塵埃之外穿楊百中運金鏃於神□

奉□千橋得銀壺於舊禮綠琴風警變卉木而振陰

缺

搖寫鵷鸞而圖日月三載考績殊口之美口彰四

口循環代口之期云口口人相顧老幼追攀街巷雲

蒸閭閻霧口門喧口鼓見葉令之初飛路咽口口屬

劉缺

境萌庶鄉望老人縣錄事宋德本等或名推絳

老德重口人或栖息丘口優遊鄉黨僉以爲高陵善

化口闕口何口口縣休風侯登台而有日莫若激揚

微缺

爰陳上蔡之詞或仁中朗之筆下官游汾口寶

仕晉非材至於是邦幸聞其政口王龍之畫像自口

口口虞季鴻之口聲非無載路義不獲已嘗試銘云

地方百里人雜四鄙清原近控絳山旁峙不有大賢

誰其□美粵我令德於焉□止其一□□聲貂裘擅

名其後必大莫之與京邳公人傑晉府時英顯顯缺

其二慶基華闕神儀天骨雅操淩霜虛懷入月探蹟書

圖窮微義窟是稱領袖□□簪笏其三□欄□掌文臺

接□一□銜崇俄驚負□松竹自高笙歌變□幸缺

長其四其虛其徐清風穆如爰清爰靜政成下車誠□

應物神用藏諸德及春□仁霑夜漁其五永言播殖深

惟稼穡授以治時□其地力秀岐嘉穎箱千庾億缺

命織其六折理通神乘機任人膏□不潤甌裏生塵令

□禁止時□俗□邑□□德家變忠臣其七□□□舉

□□□序□□□稱□飛忽阻路泣人□□悲女士

缺車無所_其謠童有焉思君悵然生祠愛結雅□功

宣登□不□拜尹行遷□陵可事守關三年_缺石刻

唐故登州刺史涖于公神道碑

缺_上高國延長裔孫蕃茂□姜分姓始於姜□□朝□

地受封_缺洋溢青編代有其人不可勝紀暨隋□□

朗爲萊州刺史封燕國公蔭緒□勳_缺覽之□不□

□□之驥_缺直善於知□器之興宗家範_缺則龍蛇

文闢□故晉國□公爲_缺勳廣平作牧公爲國家_缺

緋會□□之□爲□□國之_缺甫以解圍賴彈_缺節

□□□以寄缺積缺四受代陝缺曰可□□矣固知

彼有人焉缺列戴知己之恩□□已屬於缺之在人

舉無遺策復缺郭尙書從晉公之缺府謀策職在□

公□公既授節託公缺魏王舊國□□仙鄉非開達

無以撫缺迎奉急徵詔曰爾頃佐元勳□國缺思之

節詔到便可赴闕別行委任公捧詔缺寧戚之懷難

抑纔終禮制便欲徵還缺之規仁察頒條之政歸□

與缺之盛□□無倫先是所部狂寇縱□□民□公

至缺禮以遇物缺靖缺公而終公缺百□狀缺然缺

故太子少□□公□之缺於□□可□□□清師□

尉缺

感慨天子□□其

下缺

山左金石志

唐幽州內衙口將中散大夫試殿中監樂安郡

孫府君神道碑

并序

□□□合□□□□□□□日□□□□上□瀆□其下
一物不受無私□照乃□□不阻□□之流則知天
地之仁其賴□□之□□彼始終之道□茲聚散之
□今古□其□其□也府君諱王林字茂卿其先安
樂人也姬姓周文王□子武王母弟唐叔爲衛侯居
河淇之閒□□□司寇賜以衛□器以彰有德傳嗣
再伯孝伯□伯至真伯子頃侯五周□□命□爲侯

頃侯子釐侯釐侯子武公□□□之政百姓和集
周幽王遭犬戎之難武公將兵佐周平戎其有功平
王命命衛爲公□□□□爲衛上卿□邑於□
其孫武仲以王父字爲氏焉繼位上卿良□林□著
於春秋其後孫武入吳王闔閭將善用兵□□□
□齊宣王將□魏將□□於馬陵虜魏太子名□護
子孫遂居齊安樂□其□孫會宗□安太守曾祖諱
濞字澤□□軍□□□光祿大夫檢校□子祭酒
兼御史中丞祖諱進烈孝諱□幽州內衙□將府君
弱年□仕壯歲從戎負扶危□□之□□□□□

□□□□律頗識士□□虧三令之威不挫万夫
之敵累遷幽州內衙副將加中散大夫試殿中監以
□□□□□□□□七□□□□□□□別□
遊從率逸卜勝□□朝昏而猿鳥吟風掩暎而煙霞
族□佳石經逼近緇毳交衝或□□而□□或緣□
而訪道□□□□□律大德知聞□深出入無閒道
□而連宵繼燭□心而對景忘機□可謂在家出家
□□通達□也更以□其資□□□□□□修葺
中溝山院佛堂一所并畫佛事內立□命經條一□
別業□內蓋佛堂一坐塑其佛事立□□□經□□

□福□設夫人□□□□□亦□□□□□一門
積善千里瞻風念念無差豈無靈祐者□□四年十
月染疾終□□州□□□□□□□□□春秋
七十九以□年十一月葬于別業之西南二里□□
禮也有兄曰孝□□州馬步軍軍頭游擊□軍□□
監□□中郎□再男二□□□克紹□□□□□未
仕孫一人存□有女二人長適天水趙氏次適彭城
劉氏有姪一人曰自□幽州內衙□□官□校尉□
率府中郎將□孫□□思□府君承家閥閱襲世□
□好善禮賢輕財□□□□設□之□□□□□□

□□□□□□□□齊孟常之門□上客連襟□
虛運之□□高人繼踵率□而忽遊□□□而□
□□□□□□□□□□□□府君□□□□
□□□□□□□□骨肉□□□□□□同□□□□□
□□州軍□□□□□□□□燭易□□□□□□□□
川之浪徒燒□□之香□□代推移陵谷遷變請文
刊石用紀徽猷□以不才恭命而作詞曰

□王高□樂安□族百代聯芳千年令績武壯羣英
文彰列宿業盛江東雄豪鼎足□有裔孫志高不羣
□年習□弱冠從軍祖効勤□□繼殊勲年代遐遠

爲口所聞缺四創茲別業口命缺三生其口巷口深

沉驕嘶口口口盡龜齡口口馬蠟口哉府君孝義難

字缺五骨肉口口歸依福地顯豁高門口勒口石以貽

後昆光啟四年歲次戊申五月丁酉朔十二日戊申

建石刻

唐故濟州別駕李府君墓誌銘并序

公諱絢隴西狄道人也高陽之緒庭堅之裔佐命於

堯因官賜氏冠冕擢紳昭著圖牒者也銀青光祿大

夫兗州刺史驃騎大將軍贈冀州刺史謚景公爲國

之棟梁佐時之羽翼祖皓散騎侍郎征虜將軍涼州

刺史高庸懿績當世所推父士操安東將軍南兖州
刺史梁郡太守富平縣開國子英聲茂實光映朝府
公夙挺珪璋早能砥礪奉親以孝事長唯恭金玉相
暉克隆前構解褐荊州司倉大業之初任彭城郡司
戶屬隨運道銷寇盜蜂起懷集有方吏民安息轉任
彭城縣令皇祚肇興擬西徐州刺史武德四年勅授
濟州別駕公宏謀遠略王佐之材梁棟之志未申士
元之足將騁在公貞幹治術嚴明厯官駢馳並著庸
績方欲躍鱗滄海矯翼雲霄未及搏空風力已盡武
德五年五月十日遘疾終於官舍春秋六十有五以

貞觀廿三年歲次己酉十二月辛未朔十二日壬午
子遷窆於河南偃師縣之西原恐陵遙谷徙事絕名
沉敬勒徽猷式昭鴻烈乃爲銘曰

高陽茂緒庭堅盛宗因官賜姓鑄鼎銘功世稱模楷

奕葉光融冠冕相繼徽音克隆其積善勵德載誕哲

人摩霄振羽衝波躍鱗門資良治家有搢紳筆華喻

蜀詞高劇秦其鑒同許郭行伴曾史價重珪璋名高

杞梓功業未就遽歸藁里教迹空存音容莫視其丹

旂冒露素蓋排空松寒月冷隴暗塵紅有子純孝長

號樹風恨泉門之永閉痛玄夜之難終石刻

宋都尉墓誌

君諱舉字思進太原西河人也出自帝嚳殷王之苗裔若夫周封微子錫九命以分都漢拜宋宏列三公以讚國沿茲以降軒蓋相承騰茂飛英不得同日而言矣祖秀齊鎮遠將軍父悅隋擢爲本郡中正君維岳降生含章聞起正心孤聳凌百丈之松逸足迴馳超千里之驥搏風迅上勁羽薄於穹天淩波遠泝巨鱗橫於大壑大唐興運更造二儀清氛稷於區寰掃羣兇於九域君搴旗斬將名震霸功滅敵摧城動參王業特授儀同三司非其志也君歸依上道充念朦

固疑心寤滅之場託想無爲之境不謂夢奠兩楹沈
疴二豎飛龜之散勿驗於留魂畫龍之符無論於救
疾大唐永徽二年六月十四日卒於私第春秋七十
有一士友駿奔親朋辦踊啟手啟足乍隕乍生嗟天
地之無心恨靈祇之爽德輔仁與善諒曰徒言積慶
延齡竟成空說君履道貞純懷鉛握素仁義播其徽
猷孝弟揚其茂實雖潛暉山水聲聞九澤晦彩林泉
譽流三輔嗚呼名存身沒寔追悼於當今物在人亡
更悲涼於古昔夫人裴氏鍾氏冠蓋良家公侯甲族
年齡不竟風露先晞窆窆之所旣宏窆棺之禮從吉

卽以其年十一月十三日合葬於州城西二里南望
羊頭雲蒸觸石西通漳浦水氣沈潛東臨百雉之城
北枕三垂之嶺山形起伏還符白鶴之祥地勢風雲
更合青鳥之侯嗚呼乃爲銘曰微子歸周九命封植
宋宏佐漢三公建職作帝鹽梅爲君羽翼奕葉英賢
蟬聯盛德其惟祖惟考乃文乃武蹇諤匡君忠貞翼
主功被山河德資茅土價重十城名高九府其君之
嗣也克復前蹤儀刑模楷詞令溫恭褰旗斬將名立
功成惟求上道寂滅爲宗其五福無徵兩楹作夢龜
散徒聞龍符無用士友駿奔親朋悲慟昊天不弔奄

焉長送

其四

裴氏鍾氏蘭雕桂折玉色消沈金聲永絕

織女還星嫦娥歸月迴帳泉門光輝此滅

其五

寒郊寂

寞川空鳥思隴閨雲昏松吟風馳望道增夢看碑落
淚一朝今古千秋銘志靈識何從新封此地

長治縣志

樊宏度墓志銘

君諱寬字弘度蒲州河東人也周樊侯之遠胤漢南
陽令德雲之末孫若夫長源帶地其德水而齊流崇
基極天與嵩岱而俱峙祖贍齊右衛將軍寧都公英
規振遠雄略從橫同夏日之威比秋霜之勵父匡隨
刑部主事神機朗鑒懿德鉤深朝野挹其楷模縉紳

欽其令範君家承閥閱挺秀儀形稟天質以貞明不
錮鏤而成寶汪汪萬頃湛雅量於黃陂千丈森森秀
和松之直幹敷信義於交友盡敬愛於閨門爲宗族
之圭璋寔鄉閭之領袖屬隨季版蕩天下分崩戢曜
潛輝不干名利玩琴樽以取適託泉石以娛情高蹈
風雲蕭然自逸方憑賞趣望保遐齡膏肓之疾未瘳
風燭之期奄及春秋卅有九沒於私寢夫人韓氏稟
閨帷之訓秀絕代之姿六行發自生知四德元資天
縱初笄之年歸於樊氏虔恪朝夕禮則無虧嫺婉溫
柔琴瑟方韻降年不永早邁天傾誓守兩髦闔居嫺

獨悲懷紆鬱遂結沉疴先後異時同歸窀穸長子師
廣弱冠早亡三女見存出成他族其女等傷禋祀之
無主痛神靈之靡依荼蓼繫心哀懷罔極其營泉室
孝備始終以大唐顯慶五年歲次庚申二月壬申朔
十三日甲申合葬於故錢坊東北一里恐高岸爲谷
大海成田託諸金石冀無忘焉乃爲銘曰

門承積善餘慶方隆鍾鼎代襲蟬聯靡終哲人繼武
克紹光融如金如玉惟孝惟忠

其

驚川易逝隙驛難

留蕭蕭風樹微微夜舟一歸郊野萬古荒邱唯餘令

問永播芳猷

其二

石刻

周故監門校尉陳君墓誌銘

君諱叔度潁川長社人也唐君握鏡乃命氏於嬀濱
周天乘乾卽受封於陳國其有聚星號美飛鳳延祥
父策明諸詎待誌也曾祖諱道齊儀同三司營州刺
史祖德茂齊右武衛大將軍廣陽郡王或褰帷作伯
翼亮齊朝或封爵稱王維城鄴甸因官樂土食樗懷
音昭穆相承爰居此地父敦隨勳侍勵威府司兵公
堂構靡虧箕裘莫墜親侍丹禁忠恪有聞爰自冠年
迄乎知命旣而心遊方外道逸闔中規老室而體空
挹莊談而小物逍遙得性散誕怡神豈期孔伋潁山

稽松陸榦春秋七十一上元元年九月六日卒於私第夫人太原斛律氏祖文端唐任梁州廉讓府驃騎將軍父乂金紫光祿大夫靈州都督府蜀永州司馬結褵歸我作嬪君子之門合卺申儀用媵良人之室柔荑表詠雅譽重於詩人束素稱妍嬌容彰於賦者四德兼備六行無虧積善無徵奄纏痼疾春秋五十以麟德元年四月廿二日歿於內寢以大周長安三年十二月丁巳朔十日丙寅合葬於鄴縣西卅里野馬崗大井村西二百步平原禮也龍堂已構鳳穴斯成痛蒿里之無歸恨窆窆而長閟嗚呼哀哉乃爲銘曰

祚土唐年受封周日侯伯之職王公之秩濟濟冠蓋
雍雍文律其一傑生賢胄挺出俊人攸稱義府是日德
鄰松貞竹勁桂馥蘭芬如何不淑哲士其衰口口走
教孔仍山頽隨會不返陳焦詎迴石刻

師言墓志

君諱某字師言潞洲上黨人也其先炎帝之後祖壽
齊鄉郡守決訟舉善道敷庶績父英任州主簿屬隋
室道窮中原鼎沸橫流亟亂危途屢踐暨乎代故將
表而良時已逝乃歸閉舊里養素邱園有道無時空
懷子輿之歎居常自得雅叶敢期之旨君識宇凝深

器畧宏遠松操不改於窮濫竹質豈移於歲寒俄而
顧復無依几筵禮革春秋五十有九卒於私第以總
章二年歲次己巳十月甲午朔二十八日與太夫人
王氏合葬於州城西北五里于時愁雲慘而原野晦
悲風起而林檎秋勒遺芳于元石庶作固于風猷其
詞曰

荒涼原野悽愴山川霜霑秋革樹沒晨烟元臺不曙

白日何年

長治縣志

孟善玉墓誌

君姓孟諱善玉齊州歷城人也自軒邱誕慶若水疏

瀾弈葉聯華君其胄矣君雅亮高致風猷軌物動爲
俗範言必鏘金夫人阮氏毓德重門早標令淑好齊
琴瑟恩洽諸姻瓊寢禍謙金風墜葉里隣絕相行路
增感粵以咸亨三年歲次壬申二月癸亥朔十一日
癸酉合葬于州東北二里之平原禮也恐河神斂口
海若居桑庶令德之長存鏤斯銘於泉戶 石刻

大唐故道王府典軍朱公墓誌 并序

公諱遠字元通若夫峙茂族於陽陵聲高俠窟植華
宗於沛國業峻儒宗是以貞宣易名騰士林而結藹
文忠孝行振家業而連芳代襲珪璋門傳紱冕曾祖

廣鎮軍大將軍神窮豹略藝洽隼塘恢七校之宏摸
闢三門之祕術祖綽齊沼州長史升榮展驥底績効
於康莊奉職題輿令問馳於輦轂父寬隨嵐州司馬
卷舒人野之際隱不違親逍遙得喪之間貞不絕俗
公騰暉驥浦夙標千里之姿濯濯驪宮早發十城之
價禮而後動苞五本而潤身謙以自居蘊四美而光
德暨乎解巾捧檄挹投翰之雄圖攬轡升車箴調蟲
之小技俄而擢拜絳州同鄉府果毅趙冠耀首越劍
文腰神交黃石之符訓洽青巾之侶固已望華蘭綺
聲重羽林三臺推殉國之功六郡掩干城之譽於是

皇枝列壤資武略以恢藩帝業分珪伋戎昭而肅邸
遂轉公爲道王府典軍風驚楚澤時陪鴈沼之遊月
上梁園屢奉猿巖之宴旣而光衰蒲柳景謝桑榆固
申匪石之祈頗展揮金之樂萬里封侯之願終屈志
於風雲百齡遷壑之斯遽纏悲於霜露以咸亨三年
九月廿五日卒於大賢里之私第春秋七十有五卽
以四年二月廿八日遷葬於咸陽之原禮也長局萬
古終寂寞於滕公永託九原空流連於隨會嗣子護
任三原縣天齊府左果毅哀纏霜岵歎結風枝撫松
劍而無追瞻楹書而靡託敬刊沈石永播芳聲其銘曰

慶發指河祥開鑑日譽宣蘭檻威橫石室猗人誕命
荷茲隆吉逸志請纓壯心投筆策名羽校委質玳筵
飲石餘勇揮金暮年光賢薤露影謝蒿泉山悲夜月
隴思寒烟咸亨四年二月廿八日石刻

大唐故正議大夫李府君墓誌銘

并序

君字聞禮諱才仁隴西天水郡人也曾祖字啟諱開
周儀同三司直閣將軍祖字信諱僧隨任散騎常侍
車騎將軍父字宏諱壯皇朝銀青光祿大夫君字聞
禮諱才仁皇朝正議大夫夫其泉源溶發奕葉重暉
委質策名咸編武帳公以幼少之日乃逢隨季崩離

成立之年遂屬經綸之始公用謀略應接義旗蒙授
正議大夫戎昭果毅唯公鑒識玄遠博達古今榮利
不趨知止不怠□激兵教□□遞來恂恂如也豈唯
司寇彈□□酒非□□生履□行□□□□□□
□斯餘慶庶壽遐年搆疾不痊俄歸蒿里公春秋八
十有三永淳元年六月廿六日終于乾封縣待賢坊
之私第卽以其年七月十八日葬于高陽之原禮也
白楊蕭索青松森聳壟露朝晞權華夕拱萊田易變
帶礪難憑敢勒斯銘沉之玄室嗚呼哀哉乃爲銘曰
逝川東注白日西流死生有命奄忽移舟墳塋將啟

驂馬跼輶丹旌前曳素猷後遊人生到此天道寧周
長歸蒿永別城樓 石刻

大唐故處士賈君之墓誌銘

君諱文行字欽賢平陽人也自電影上耀軒星下輝
色辯兩儀混分元氣旣錫士以賜姓寔誼公之派焉
祖勣才綺秀冰藻縛花鏡成文綴口二馬羞風著述
華鮮兩班慙聽職下量高齊任龍州江油縣令善溫
慈厲叔度未方屏盜息姦西門詎擬父端隋任太僕
令觀律呂於指掌納鍾管於胷懷則五星以侯四時
法三辰而調寒暑故得陰陽順序六氣不愆大庇蒼

生弘濟黔首方圓中禮規矩可儀君綺歲英奇翫琴
書而暢道齟齬雋異好籟箎以申能年十八隋召爲
太祝庶幾清慎居職有功動入鹽梅言成准的依仁
遊藝非禮勿言作朝廷之楷模爲鄉閭之軌範時當
隋末之際乃屬蕩析之辰遂爾隱遁墟虛棲墀巖石
風月悅志煙霞賞心豈謂琛璧蘊於荆山明珠藏於
漢浦何期隆年不永忽遇沉疴膏肓之疾未瘳風燭
之期奄及春秋七十有六猝於私第夫人北平田氏
足恭婉淑三從之義可遵惠質貞心四德之成合軌
年八十有七奄從窀穸以永淳元年八月十三日同

芟於百羊城南二里爛石山西之原禮也龜筮告祥
安其兆域恐山爲碧渚水變清谿故勒斯文乃爲銘
曰

瑤光貫彩啟瑞吉祥虹月流輝肇膺顯彰德美清貞
擬輔忠良去周不仕至漢稱王汪汪玉貌口質幽房
濟濟紅顏潛形窈窕堂金壘罷酌碧尊休嘗佳人口饌
美室空觴

石刻

游擊將軍趙智侃墓誌

口諱智侃南陽人也其先承帝顓頊之苗胄隆周之
別族若敖之胤趙文子之裔奕奕邯鄲傳光周封黼

猷相承歷晉卿之後自我先君肅侯之代名振九邦
爰泊敬侯聲揚遐邇終晨假寐愛流冬日之暉朝夕
匪虧卿大夫傳嚴明之美神馬覆育分爲二族之昌
秦雍興宗青益任四川岳牧君卽京兆侯元鳳之十
代孫司空公之支派因官京師今爲長安人也曾祖
純隨任隆州新井縣丞祖謙隨任利州綿谷縣令父
僧德唐任天官朝議郎上柱國並器包瑚璉材實棟
梁詞令聞於綠墀章奏動於丹地珉簪珠履元僚光
展驥之能墨綬銅章下邑標舞鸞之政止戈爲武柱
國垂後之名七德俱兼高門降文武之効君拔俗挺

生異時閒出落落垂象有劒士之光芒郁郁騰文有
賢聖之氣色坐高林而臥盤石嘯明月而傲清風蕭
然獨王自謂神仙笑夢兩楹俄驚二豎不謂西州石
折已年之夢有期東國山巔庚日之災奄及孟嘗君
之富貴臺榭終平羊叔子之登臨江山徒在在以聖歷
二年歲次己亥四月八日碎于神都來庭縣會節坊
私第春秋五十有九夫人宗氏悲夫逝川易往同激
箭而不追浮景難迴豈麾戈而能駐夫人慶鍾蘭室
才冠柳風執四德以乘龍遵二儀而卜鳳當晨起夢
始泣秦嘉之書徙宅垂恩俄悲張肩之扇成龍弱篠

染別淚以孤生待鳳喬梧抱空心而半死豈期朝露
溘至菱花奄逝以長安二年七月廿九日終於延康
坊私第春秋卅有七嗚呼哀哉桃李春風與子偕老
桑榆暮景攜手同歸生榮死哀抑斯之謂也暫分生
死之桐終合雄雌之劍黃泉路遠白日年深棲吹動
於簫笳愁雲暗其旌旒青鳥卜葬惟嗣子之纏哀白
馬奔塋逢故人之來哭粵以長安三年歲在癸卯二
月癸巳朔廿八日庚申合葬窆于長安縣神禾原禮
也其日同遷葬祖父母及叔等俱同塋限長子相玉
直司上護軍令詮次子上護軍萬慶等孝逾天性禮

備哀榮泣血無追思竭送終之範至於葬禮今古罕
儔痛結九泉哀深毀瘠絕漿止美願悌高慙孝感飛
禽仲由聞而下媿庶防乘移谷變勒珍雕銘希海樹
遷陵千齡鑒茲遺誌其詞曰

終南東峙交澗西流寶符鼎氣□膺洪休

其

廊廟彝

器珪璋令名學綜三篋詞雄二京雲中仰德日下推

英

其二

莫事王侯實欽巢許桂叢攀折芝蘭延伫人代

共貴天年不與欲聽雞鳴翻聞鶴語

其

家承積慶傲

俗遺榮一丘一壑無欲無營琴歌酒賦月契風情道

義相得林泉共清一歸長夜永闕佳城

其

鏡塵埋月

履跡封苔松深霧慘樹古風哀泉扃一閉幽顯悠哉
式追南峴用讚銅臺魂兮長去神兮無來 石刻

唐文續拾卷十四

唐文續拾卷十五

榮祿大夫二品頂戴前分巡廣東高廉道加四級

臣陸心源輯

闕名

故人高君墓誌銘

并序

緬詠塵史遐探土記則有嵩巖誕粹是生惟岳之賢
渤澥疏靈代穆浮陽之傑君諱應字師仁本渤海人
也君恭恪柔凝邈邈澄峻昊穹昧信有爽福胎以大
周久視元年十二月四日遭疾卒於家夫人孟同郡
人也柔章內則碩德中宣躬儉家肥孫慈子愛享年
九十二以唐開元四年十一月十九日卒卽與其時

葬城東南十一里平原禮也嗣餘慶泣孤□□□
□恐谷徒陵移式刊銘頌其詞曰

渤海酌粹浮河效祉猗歟夫君秀靈居此嘉猷寔播
里仁爲美天不憖留生涯已矣習吉龜□歸魂烏壘
哀以送終千秋此始 石刻

唐故太原府太原縣丞蕭府君墓誌銘 并序

公諱令臣字禎之蘭陵人也微子嗣殷源以之遠鄰
侯相漢流以之長至彪爲中書令徙居蘭陵代有懿
德會祖岑梁吳王祖瑾永修侯隨親衛大將軍父凝
趙州司功左授雅州廬山令公生稟瀉和靡德不鑠

孝友資性直方立身若貞松高標良玉發潤俗不可
得而黷也代業不墜祖德聿修出入無違餘力成學
至於六經正始之道九鑰凝神之術四禪絕謂之教
罔不精該洞與心悟常曰吾遠祖漢相國何每僻陋
安宅曰若使後代賢師吾之儉不賢無爲勢家所奪
又外遠祖大尉震云無廣屋宇使後代知吾清白吏
子孫耳欽若二祖之訓克舉百行之美至哉年弱歲
丁廬山府君憂泣血絕漿幾於滅性鄉閭遠邇無不
嗟服解褐荊州當陽丞德禮變荆衡之俗改授汾州
介休尉直諒成汾晉之風秩滿從調會府屬冢宰氏

大練多士尤旌書判密名考覈示人以公判入第二等超授北都太原尉羨才也累遷太原丞寵政也噫天縱其能而不與其壽以久視元年正月九日遇疾啟足於太原之官舍春秋五十六公體惟真素行實高邈業固豐碩器則冲深抗節加乎彝倫立言成乎不朽誰謂與善曾不遐齡壯志溘於白駒遠圖殁於黃綬悲夫夫人南陽張氏鄆州刺史偉度之孫洛州長史越石之女祇若婦德克閑有家宣昭母儀撫訓孤嗣義方旣著棠陰不留以開元八年六月十三日終於河南縣政俗里之私第春秋六十四以開元廿

三年二月十日遷祔於清風鄉安樂里之舊塋禮也
長子寬濮州濮陽主簿不幸早亡次子寂幹盡用資
丕烈克楊孝感終身哀荒罔極於戲茫茫天壤鬱鬱
山河積餘慶之無窮知子孫之逢吉銘曰

殷臣播德漢相流慶才賢繼軌子孫其盛矯矯高節
忠孝自然安仁體道知命樂天莅彼二邑人以康理
聿來汾京獨擅其美牧卑晦迹志匪徇榮天假之才
而奪其齡玄堂神邃貞石載刻萬古千秋潛靈紀德
石刻

王府君墓誌銘并序

君諱守忠字元德其先太原郡人也自周王錫族子
晉疏源離翦並譽於秦朝陽尊連芳於漢日至於蔡
邕倒屣呂虔歸佩讓鄰棗以抗節旌淮水以期昌聲
馳八紘宗播三葉故君爲上黨家矣曾祖暉祖義父
淹並晦迹衡門養神邱壑倅曾閔之孝友逸老莊之
節概君文武不墜行能起邈敦詩閱禮見稱童孺之
年矯矢虛弦挺譽弱冠之日應良家之選備羽衣之
林一衛軒墀屢移星律勉慕仁智放清山水屏翳雜
出氛埃別業蕭條新開柳援閒居蔭映舊是桃源鳴
呼川閱不停山頽軫思忽棄北堂之壽遽從東岱之

游開元廿年六月卒於私第夫人隴西氏四德先著
久閑於內則三從不爽尤契於母儀南國雙鸞乍分
飛而失伴豐城兩劒終合響於同游蘭堂未盡於遐
齡蒿里何催于此日開元廿六年十一月卒於家享
年七十新婦新平馮氏次子承休之偶也悼彼綺紈
宛若桃李千金窈窕正下於星橋二八娉婷何先於
月路開元年十三祀三月歿於室甫年十八粵以開
元廿七年歲次己卯二月癸亥朔二十八日庚寅合
葬於潞府城南三十五里蒲池村西北二里平原禮
也東臨滄海翩翩翔鳳之川西望秦郊翼翼分疆之

地南觀峻峙是仙人跨鶴之鄉北眺隴巖爲神叟伏
生之士孤子承業承休等感深風樹路斷雲天俯懸
兆而魂消仰慈廟而氣竭敢鐫金石永紀芳猷其詞
曰慶開傳序兮茂禎祥天道何遠兮斯淪亡郊原一
望兮淚沾裳邱隴千秋兮增感傷日月居諸兮同歸
於化敬題琬琰兮地久天長

長治縣志

董君墓志銘并序

詳夫孕質銀河凝神珠浦朗搖光之鑒晰瑩水鏡于
澄漪金紫光祿之榮銀靑大夫之職洎茲以降代有
其人君諱師字德行望本隴西董狐之苗裔因官此

郡人也曾祖道祖緒本州子錄事父騎都尉器宇澄
邃局度洪深禮教修於鄉閭仁風扇于里閭福不祐
仁儀鳳三年三月二日終於家第春秋四十有二夫
人裴氏淑質凝輝應鳳祥而在則芳姿湛彩撫鸞舞
以裁規閭里挹其輝猷郡邑欽其禮節春秋六十有
九開元二十三年歲次乙亥正月戊午朔二十八日
已酉窆于南董村東南一里之原禮也嗣子立言循
陔動思陟岵興悲執遺硯而長號抱藏書而永慟扶
毀瘠之力用疊高墳分滅性之餘以崇棺槨恐山移
岸徙勒石爲銘

長治縣志

王府君墓志

君諱盛其先太原人也蓋仲宣之後因官爲上黨人
焉曾祖達卓爾不羣氣自天秀恭而有禮卑以自牧
謙謙君子人無閒言祖廣稟質挺生瓌資人傑道無
不適學藝博通恥州縣之徒勞守邱園以徇志公幼
而知禮長能訓道鄉曲先其孝悌朋友許以信諾蓋
百行而不乏亦十室而有鄰加以教子義方必依乎
禮垂其汎愛不違於道嗟乎德行推先善慶門積誠
可高門待封何乃蒿里先歸且夫善人爲善自強不
息天之報施何其顯歟春秋八十有六以開元廿六

年五月五日卒於私第母郝氏宣慈惠和恭敏勤恪
挺生其質廉靜天資以先天二年九月終於私第繼
母陳氏是曰慈母訓子從道豈伯奇之能養亦子騫
之盡力以開元廿六年八月卒於私第以開元廿七
年歲次己卯二月癸亥朔八日庚午並合葬於府南
五里平原禮也山瞻壺口表永固於千秋平臨堆阜
冀不朽於萬古嗣子宗等痛高柴之泣血三年未嘗
見齒怨曾參之絕漿七日幾至亡軀亦哀毀而骨立
痛魂靈之罔象生事以禮死葬以禮式刊貞珉紀諸
芳烈其詞曰

生代何幾兮難留風樹不靜兮何求德音冥冥兮超
忽魂靈泉壤兮山邱皇天慘慘白日悠悠泣誰怙兮
誰恃怨神道兮幽深

長治縣志

馮處士墓志

君諱元字裕甫上黨人也卽馮亭之後裔五岳開基
三元輝彩功高翼漢道克匡周累葉相承派流斯日
曾祖龍齊任魏州長史美政及人祛飛蝗於千里慈
仁育物寬峻法於三章祖範隋任夏州博士擁座授
經得鴻名於北海下帷慕道騰令譽於關西父裴少
好琴書志窮山水重暮山之飲犢退朝歌之馳騁德

性恢宏潛名不仕君養志邱園同陶潛之五柳居家
孝友異田真之獨株每於書閣雲消動詞章於白鳳
墨池波靖望筆海於飛鴻白馬臨關謝事急於卽日
清琴向月赤燭養於今晨屬以積福無徵易簀斯及
同兩楹之應兆若二豎之殃來旬月之間纏疴不愈
卒於私第春秋五十有七嗣子加輝卜葬於城西南
司馬村西北平原禮也左臨蒼海對蓬萊仙島之宮
西望昆池識漢帝石鯨之沼嗚呼哀哉嗚呼痛哉其
爲詞曰一從蒿里永秘泉臺白馬旣往非任不回痛
臨川之已逝感俗士之傷悲

長治
縣志

郭柱國墓志

君諱盛字德太原人也周虢叔之苗裔郭伋之後卜
洛開宗賦江流脣分枝列位政績全殊林宗入朝驅
麟折角細侯敦信竹馬爲期備著縑緗可略言焉曾
祖寶任慶州華池縣尉父愍隋朝舉秀才維岳降神
名章挺秀敦詩閱禮至操風雲君蘊三略之英謀預
七萃之行陣往以龍遊渭水棄筆從戎鹿盡中原動
兼武帳回戈指日挺劍衝星勇烈冠於三軍忠赤衡
於一旅君智謀雙美文武兼資時展效以鷹揚得封
侯於燕頷言唯金石氣襲芝蘭晁物許其用遊遜第

聞於親執豈以百齡已盡千月遽空俄軫北遊奄聞
東首春秋六十七開元廿八載四月廿一日終於私
第嗚呼痛哉何期然也夫人馮氏並婦德夙彰母儀
堅著性諧琴瑟道契墳簞楚劍雙沈梧桐俱死春秋
六十開元十六載五月十三日終男神安開元廿六
載二月十日終以天寶九載歲次庚寅十一月丙戌
朔廿四日巳酉合葬於郡南五十里平原禮也左隣
麥岫右帶龍山南望雄峯北臨孤嶺嗣子神太修陔
動思陟岵興悲谷變山移刊石正記詞曰郭尹聞望
馮氏正潔琴瑟兩諧潘陽雙絕勒銘兮幽泉千載兮

不滅

長治縣志

大唐故人諸葛府君夫人韓氏墓誌

并序

原夫蜀王貴胤根英與金榦雙□神氣精粹先宗迺
帝位之次下逮葛僅爲九江侯三閭大夫其孫葛雉
川爲蜀中散大夫十七代孫諸葛韶顏齊任光州太
守荊州別駕諸葛珪珪八代孫諸葛崇昌錦州太守
鴈門郡主入爲弘文觀學士曾祖良卿齊朝將仕郎
夫人敦氏祖君尙赤縣尉國子博士漢州長史夫人
仇氏君諱明哲樂道丘園逍遙風月池臺蔭德琴酒
摠懷放曠閑居釋悶而已夫人韓氏早閑婦禮淑譽

閨儀堂堂然千古流芳濟濟然万秋明鏡遂使神龍
兩劍前後俱沈儀鳳雙栖一時零落嗣子嘉亮過庭
不闕習禮無虧故能孝悌力田和睦上下女大娘等
冰清潔己貞順無虧名播於漳濱志同列女其餘斛
類而長堅乎竹栢妙乎幼儀長閑高節耿耿乎獨步
河朔抗節乎雅超昇於炳毅挺和聲於庭範嗚呼堅
金干於門首立偕莘於雲族古往今來邈矣悠哉君
子道窮滋灑徘徊賢士竝宅太山其頽乎賢婦茲久
梁木其摧乎大地淪於積水高天銷於炎火優哉悠
哉聊以卒歲以天寶四載歲次乙酉十月乙酉朔廿

五日己酉以其年月日葬於故零泉縣西北一里半
平原禮也有古人之風寔先王之棄梓左據滄海右
羅行山前眺零泉之壠□侑洪岳之簫孝茲沃壤建
此墳塋慮以陵谷會遷桑田改變刊石勒銘迺爲詞
曰

英秀雲枝奇精昂竭冰處日居柳楊特絕樹似山峰
墳如大別錦列西樓銀口粉雪文武之道盛光於試
宣義鵬軒龍騫鳳峙天生鼎族眾諸襲氣齊通卽墨
趙讓平原□□之德威振八藩臨宜制敵虎視中原
□龐同□萬古千年·先天□□二月七日卒妣開

元十七年十二月廿九日卒

石刻

大唐故安化郡馬府君墓誌銘

公諱元情字

缺六

人也

□元命族鍾□承家蟬聯蘭

諫可

缺三

曾祖□隨州司馬祖隱檀州刺史孝慈藏

衛尉大□公幼而□聰長實茂異孝爲德本忠能奉

君□里□□仁朋友深於信年始十有三屬天子事

於南郊公以俎豆述職厥有成績□從□於天官無

何尉滄州樂陵初筮仕也□滿□潞州屯留佐庶政

也更□宰慶時

缺

功也功治于下所莅□方謂懸望

於

缺三

奄從於逝水嗚呼哀哉以天寶□年八月廿

三日泣化於馬嶺之官舍享年卅八口摧梁木輿櫬
空歸以二年二月缺長安之畢原禮也循子體溫等
敢刊□□之銘曰

松檟蕭蕭兮畢之原蔓草□□兮□□山問□□此地
兮何可論石刻

大唐故襄陽郡襄陽縣令滎陽鄭府君墓誌銘
并序

公諱逞字逞滎陽原武人也北齊開府儀同三司魏
州刺史襄城公□五代孫湘陰府君第四子懷州刺
史盧師邱之自出也公性惟謙冲天假忠孝舉措必

由於禮造次勿替於莊篤信不虧出言無玷險詖者
慕義以變節剴復者聞風而履順懿夫伯夷之操寧
出是乎行已周身才膺筮仕以蔭補左衛三衛解褐
授金州參軍次授汝州龍興縣丞位當貳職政優百
里恩惠浹於編氓清儉播於中外本道廉察使以公
功績尤異特達奏聞帝用嘉之下詔甄獎擢爲京兆
府奉天縣尉公旣沐鴻造彌勵丹誠提振紀綱肅清
人吏投刃詎留於肯綮遇物必造於精微未逾旬時
已多弘益且畿甸察案盡爲英髦屬制命審官使臣
刈楚按察使以公負不羈之才出眾人之表因而昇

薦復被恩榮拜長安縣尉處繁理劇常有若於優遊
破堅摧劉曾無避於豪右秩滿從常調吏部侍郎裴
濯仰止高躅比擬要官公以太夫人在堂樂土關外
務於就養不願榮班以此懇辭請爲邑宰裴公深所
感歎稱於朝廷卽日授許州扶溝縣令結綬未幾酷
罰俄鍾號泣無絕於時水漿不入於口則曾史至性
夫何異哉服闋授襄州襄陽縣令開元十五載四月
遘疾其月廿六日終於襄陽官舍享年七十嗚呼号
天不惠哲人其委夫人博陵崔氏故鄭州滎陽縣令
德義女也作配君子僅變星霜未及夢蘭之徵奄先

同穴之禍繼室清河崔氏故宋州碭山縣處眞之女也克諧琴瑟固有裕于宜家敬愼威儀實無慙於內則嗣子誥璋念皆孝誠罔極追遠惟深卜宅兆而至誠衛靈輜以萃止以天寶十三載正月廿五日合祔於廣武山之舊原禮也由是二靈信誓能從皎日之期三嗣因心空結終身之感於以天長地久谷徒陵遷瘞貞石以勒銘庶佳城之不昧銘曰

開國受姓自周而昌翼子謀孫爲鄭之良王展親衛銅章作宰漢水峴山人亡德在上帝不吊大賢運速宅兆未安思遠再卜日落新鄭風悲舊國靈衛送終

荒阡及哭存若浮歿若休時門古采榮水東流惟樂
石兮斯刻傳令德乎百千秋 石刻

古衍禪師墓誌

大曆三年三月五日古衍禪師墓誌僧弟子達立于
東院移日天雨花富地白鸛來翔傳授南宗承燈下
二口除心口挺生白樞法兩潤人堅冰苦口雍城陌
上青草路傍空聞天香驚珠在戶羣生何仰勒石鐫
銘千秋長想道成法通知寂空寂眞悟道幹等善寂
石刻

大唐故恆王府典軍賜紫金魚袋上柱國太原

王府君墓誌銘

公諱景秀字景秀其先太原人也周文之亂漢司徒
開內侯二十六代之孫也公早歲從戎文武兼備克
和忠孝風骨稟然器宇深沉朋流翕襲清規雅量特
立不羣授恆王府典軍賜紫魚袋翼峻節橫騰天機
永烈蒼生有望輔翼邦家何啻天不憖遺奪我忠善
使魂歸野隴魄散異鄉迴望故郊哀罔絕嗣悲夫以
大厯十一年八月十三日遘疾終於幽州客舍春秋
七十有八夫人鉅鏹魏氏立性溫和秉志貞操婦德
備於儀則恭讓逾於古今將謂琴瑟之義永遷何乃

先鍾斯禍悲苦重疊凶釁聚門以大厯十年九月十三日寢疾終於幽州別業春秋六十有三嗚呼卜兆良日啟殯有期歸葬舊墳合塋新櫬以其年歲在丙辰八月丙辰朔二十九日甲戌葬於薊城北保大鄉之原禮也長女十三娘次女明德次女端嚴次女淨德等零丁極塞所向無依號訴於天縻憤肝膽臨穴哀叫五內崩摧恐千載之後陵變谷移刻石紀功銘曰

歸葬伊何兮薊城北愁雲慘慘兮黯無色泉門一閉永不開窀穸幽冥兮云何極乘乾上夔臺傍萬古千

秋兮人自傷刻石

唐故高府君墓誌銘并序

府君諱彥字懷彥其先渤海人也曾祖考燕高上不仕時号徵君焉府君卽是高道之長子也府君欽承先訓少聞禮經立信義於友朋備敬於親戚出言成教從善如歸不羈名位之榮自得逍遙之趣嗚呼天命不祐降此鞠凶以貞元廿年十一月十八日遘疾終於青州益都縣之私第享年七十九嗚呼存亡之數生人常分無足悲者府君理家奉親純孝至忠睦宗族以敬讓御鄉黨以恩信故其歿也咸痛惜之

以其年十二月十三窆棺於郡城東南二里望沂鄉
之原從宜也夫人太原郭氏誓官偕老忽見孀居晝
哭口孤哀而知禮長子義恭惟嚴孝以因心欲報劬
勞之恩將修遷殯之禮慮恐年代深遠陵谷有遷乃
刊貞石勒之爲紀銘曰

茫茫昊蒼幽遠莫測哀哀哲人未始有極大川東注
悲風不息天地改容山川無色熒熒孝子負土成墳
藹靈余歿號叫難聞淒淒孤壠漠漠愁雲千零萬古
閉骨泉門

石刻

唐故吳郡朱府君墓誌銘

公諱陽字正中其先承漢侍御果公之緒今爲杭州
鹽官縣人也祖諱初父諱養公卽養之第四子幼有
壯氣長而敦行世之仰也公伏枕之日二子左右晨
夕不離出不改容入有憂色奈何天之命也嗚呼以
永貞元年九月廿四日終於此邑長平鄉之私第年
六十有七公娶閔氏有子長曰亮次曰清璿毀不滅
形哀而執禮以其年十月廿日窆於此鄉紫微山建
塋禮也恐桑田改而爲誌焉詞曰

長風蕭颭悲乎松栢一旦泉臺千秋永隔

石刻

唐故天平軍仗義將判官承奉郎試光祿卿飛

騎尉賞緋魚袋隴西郡辛府君太原郡王氏
夫人合祔墓誌銘 并序

府君諱仲方其先隴西人也皇考諱惟壹歷代綿遠
英哲世生修枝弈葉榮爵不墜其閒或道長晦名或
學優登仕楷模後世衡鏡當時經濟邦家扶持社稷
者無代無口青史具彰此不詳載府君卽惟壹之子
也幼而卓異不隨徇於里童長愈孤貞乃標準於流
輩聞詩聞禮克儉克勤六藝備身三端在已事父母
以孝敬無違處弟兄而綽綽有裕纔年弱冠投筆從
戎貂蟬委能賓僚獎賞遂補公爲前職故得名聞遐

邇道冠古今職烈軍前官榮憲綬誰料天錫永壽邁
疾東歸不幸以大和四年十月三日歿于青州私第
享年六十有三元戎嗟歎六親興哀里巷輟音友朋
摧慟府君禮娶夫人太原王氏洞達詩禮明閑婦儀
壻髻晝啼克遵教誡公有嗣子三人孟曰文慶次曰
宗汶不幸早亡季曰從舉有女二人長適杜氏次嫁
成家夫人王氏不幸以咸通六年二月十三日遘疾
亦歿寢室享年八十有八志孝等天鍾志行孝道彌
彰泣血茹荼幾至滅性遂用咸通九年閏十二月一
日合葬於州城東北約二里驛城之原禮也伏恐陵

移谷變年代綿遠剗石烈字而爲銘焉

賢哲君子德行夫人有賢有德其體可遵天何匪謚
白晝俄昏喪此英淑哀冤詎論玄堂重啟以閉幽魂
陵移谷變佳猷永存石刻

故來府君及夫人常氏次夫人郭氏墓銘

并序

府君諱佐本南陽人也君平生志操性本謙恭豈穹
蒼降孽忽遭私疾俄終厥壽權措故里早分今古夫
人郭氏年及纏筓口母禮適來氏則母儀貞缺無虧
享年春秋七十有二終於兗州來君有子名叔慶男
女等灰心毀容泣血匍匐乃墨兆玄龜露口虛塋口

□扶護故府君及夫人來就合附以咸通十四年歲
在癸巳十二月廿九日於兗州瑕丘縣普樂鄉臨□
城陰村郡城東北六里平原禮葬叔慶痛見孤墳寂
寂松□蕭蕭又恐陵谷□□桑田有變乃命功刻石
爲銘銘曰

穹蒼蒼天日月高懸□照六合不□下泉櫛踴哭泣
唐故會稽郡孔氏府君之墓誌

府君曾祖諱年代深遠不載乎名先孝諱懷順本貫
青丘人也授職在軍任副將兼門搶官欠處班列負
竭力奉公忠信而謹節三端身□仁出儕流六藝道

昇俯衙俱美廿年前以歸幽寔夫人王氏幼從笄結
髮行賚禮備貞賢左於琴瑟奈何不消仁德便此去
留爲守孤兒糜經寒暑肩子二人是日從甥孝道侍
親石求榮祿市易爲徒疑奉甘旨前年暫出滾涉口
歲迴來疑存侍小疾命大夜府君享年三十有八去
大順元年四月廿八日終於私第克取當年八月七
日葬於青州益都縣永固鄉之原大榮內永先娶妻
黃三氏二人至日合祔大禮畢後娶任氏女無口兒
存侍奉有子一人馮哥有弟一人從禮調缺常寬弘
殖志黃天不祐傷手足吉日祔近臨安府張氏口從

侍奉口存有姪二人忙忙女妹妹昔府君安座宅永
口玄室大禮以畢後恐桑改易塋固變移故阡石爲
記以俟他日詞曰

府君行堅立性難口爲情昊澣語無宿言濟人拔苦
慈善心寬輜車啟路墳座高塋閭里傷嘆朋友追攀
骨肉相送六親哀怨孤墳寂寂悲風落然口一住歸
於蒿里永別萬歲千年

石刻

唐殘墓誌

缺

十一年以貞元三年歲次丁卯合祔于衛州衛縣
君子鄉平原舊塋禮也長子濬前汾州西河縣丞次

子澄前綏州大斌縣令季子湜見任棣州猷次縣令
興言泣血恨不殞身哀纏罔極之誠慟絕斯文之下
多慚不敏敢綴銘云

江山社繼廿公侯君子立德克嗣徽猶天不與命
才高祿淺獨存休風光揚茂典

司馬秉岳瀆之靈挺涓懿之德砥礪百行囊括羣有
持摭合度行藏適時孝友天資仁惠性授風儀亮口
禮敬明粹口之者罕究其器度矣此而言者義比春
秋後序大唐貞元三年四月一日記 石刻

論法師殘誌

上缺當日月之用不能贊其下缺精非聰達惠覺之士缺

生法師克契斯義用缺姓任氏弱而神清幼而缺行

緣缺自去遂授經缺覽又若缺石刻

唐文續拾卷十五